

Awirilkalo san 2005


BAKURUBASANNI

(número 12 songo)

Mali kono = Dorème 300

Afrika kono = Dorème 600

Jamana wère = Dorème 1000



Kunnafoniseben bota kalo o kalo. BP: 24 Téléphone : 221-21-04. Bozola Bamako-Mali. San 33nan boko 399nan A songo : dorème 15

Semudete feereli nongirila fô

Semudete, n'o ye kooriko cakedaba ye Mali kono, bëe b'a kalama, o bë feereli dakun na kabini bïte. Feereli in te Mali nemogow ka fén nininen ye. Mali demebaga fôlo nafoloko la, n'o ye dijne waribonba ye «Bankimunjali», o de ka lajini don. Bankimunjali fana ma feereli in boloda k'a ka di a ye walima k'a bë Mali juguya la. Warikogeléya min be dijne kono, o sen b'a la. Yuruguyurugu min be jamana kono, tijenéani fasodenjuguya, olu fana no b'a la.

Ni Bankimunjali te, sarako, jamana kabaarakénafolo, anianbëjuruminna, o site soro. Bi-biinna, n'o Bankiba in ye min fo, o bë ke.

Nka Mali faamaw ka wulikajo barika bonyara, u ye kinni ke, ka tanni ke, ka delili ke, fo semudete feereli bora a dago koro; da te bila a kuma na fo san 2007 mana teme. O kofe, Semudete nemogow ani jamana faamaw y'u cesiri, ninan kampagni na, san 2004-2005, koori ka se ka san cikelaw bolo dorème 42 kilo kelen. Bankimunjali ka jate la, o tun ka ca Semudete ma, o bë ke sababu ye ka cakeda in to coron ka taa a fe, a bë bin ni sefawari miliyari 35 ye.

Ala barika la, sigikafow kera; fokaben donna semudete, goferenaman ani Bankimunjali ni jogon ce. Sefawari



Usumani Amiyon Gindo "CMDT" nemogow miliyari 13, Bankiba in y'o bo, ka Mali ka san baarakénafolo wo dôw geren. Nka a y'a geleya goferenaman ma a ka demew kana ke bilen ka jamana cakedaw ka tijeniw wo geren, a dan be ke nin ye. Semudete feereli tun bolodara ka ben san 2006 ma. O hukumu kono, kabini san 2003, mogô 500 bilala ka bo baara la. Feereli in bilala san 2008 la. Fén min ye koori sansongo ye cikelaw bolo, o bolodara ka ke dorème 32 ani 35 ye san saba nata ninnu na. Semudete nemogow, Usumani Amiyon Gindo ani Mali goferenaman ye dalilu sinsinnenw dajira Bankimunjali la. U y'a jira ko geleya n'a ta bëe, semudete bë se ka layidu tiime. Benkan minnu bë u ni cikelaw ce, o bë tiime, kuma te minnu

bë u ni waribonba yere ce. Dannaya min be semudete kan jamana kono an'a kókan, u y'u sinsin o fana kan, ka o ke u bolominékala ye, walasa waribonba ka son u ka fotaw ma. Bawo semudete sera ka i kurutukuru a yere ye, ka sefawari miliyari 148 juru soro, ka se ka koori san ninan. Ninan koori soro benna toni 583000 ma, koloma. Halibi, Mali be ten kan Farafinna, kooriko la. Mali nemogowanisemudete nemogow ka nin wulikajo ninnu koro ka ca. N'u tun ma nin baara ninnu ke, semudete tun be to a gongon na. O tun ye Mali fogofogo fan kelen tigelen ye. O kofe, togo min tun b'an na kooriko la, o tun y'o bannen ye. A tun be se ka ke sababu ye fana cikelaw ka muruti, o kubenni fanga te mogosila. Ala k'an kisio ma. Adola fana, ni semudeteko tun banna nin cogo in na tan, peresidanwote min bëna ke san 2007, o tun na geleya faamaw bolo, bawo koori be senséjamana yoro minnu na, o yorow jama ka ca kosebe, n'u ma wote mogô min ye, o te se ka ke Mali peresidan ye.

Semudeteko be nin dabolo in de kan bi. Kemesarada la 60 ye Mali ta ye semudete la; at 40 ye Faransicakéda dota ye; o bë wele DAGRIS. Jamana ka nafa be min na, o ye baara numan ye ani nafolo mincogo numan, ka fasokanu fara o kan.

Berehima Ture
Mahamadu Konta

"BID" ye miliyari 30 labila CMDT ye

Silamew ka banki min jesinnen don yiriwali ma n'o ye «BID» ye, o ye sefawari miliyari 30 labila «CMDT» ye san 2005-2006 koori senefenw sanni kama. Nin bëna a to CMDT ka se ka koori senefenw tereme u tigiw bolo ka u san warije la.

Dokala Yusufu Jara

KONKO

Farafinna na nim ka koorisi da k'erefe
Nansarajekulu bëna derme don Farafinna kooriseshaw na
Sikaso: Fennéhamaw bë ka mankoro sila
Kalankéne n° 27na
Dukene 1Inan: Furusira Gajaga kónona na
Ala ye Kaja son, a ko a fara
Jenéba Séki: Dökkili sekasidonon
Yerere misirikokéle kiiri tigra

n°2
n°3
n°3
n°8
n°28
n°9
n°10
n°11

Farafinna na jini ka koɔrisi da kerefe

Farafinna, a san 10 ye nin ye koɔri feeresɔŋgo jamana kɔkan, o ka dɔgo n'a sansɔŋgo ye senekelaw bolo. O kelen be jɔrenankoba ye. Dɔw y'a jira ko ka koɔrikoo to o cogo la, koɔrisi na jini ka da kerefe, nka dɔw fana jigi b'a kan halisa k'a na ke wasako ye k'u to a la. O te ne fo bɛe k'a damakene ni koɔrikoo sariya kuraw ye.

Burukina dugu min be wele Nayala, o koɔrisenewaw ka tɔn nemogɔba ko : «ne b'a jini an ka yɔrɔ koɔrisenewaw fe, u ka fɛn wɛrew sene ka fara koɔri kan, sabula, anjɔyɔrɔ ka dɔgo koɔrisene sariya kuraw kɔrɔ».

A jɔre t'a kelen na, Benenkaw ka lasigiden min be dijne jagokelaw ka tonba «OMC» la, o ko : «koɔrisene dabilatuma sera Farafinna tilebinyanfan fe»; sabula do bɔra koɔrisɔŋgo na kokura : Feburuyekalo tile 10 san 2005, koɔrimugu numanda min be wele «Endisi A», o kilo 1 sɔŋgo kera sefawaridɔrɔmɛ 50 ani murumuru 29 ye dijne koɔrisuguba la. A san 10 ye nin ye koɔri sɔŋgo tun ma deli ka jaasi nin cogo la, hali n'i y'a sɔrɔ jigin kayelennin dɔw kɔlsira a la. An be waati minna, kɛmesarada la, 40 binna ka bɔ koɔri nafa la.

O n'a ta bɛe, a jirala k'a fo san nata in be ke koɔribi sɔrɔ san ye. Farafinna tilebinyanfan koɔrisenewaw ka tɔn min be wele «DAGIRI», o ka jatemine ye koɔri tɔni miliyon 26 kɔfɔ san 2004-2005 kapanji na. O nɔgɔnna ma deli ka sɔrɔ koɔri la Farafinna tilebinyanfan na folo. Kɛmesarada, a be salonti dan ni 20 ye. Koɔrikomako fana bɛna bonya dijne kɔno, nka a tɛna ke bɛre ye. O be na ni fɛn damadɔw ye : koɔri bɛna caya a feerebaaw bolo kɔrɔ, bɛre tɛna san a la, do be laban ka bo koɔri sɔŋgo na. Farafinna koɔrisenewaw, kura kera olu ka geleya la; u be koɔri feere da min na dijne suguba la, do bɔra o hake la; a dɔgoyara n'a minɛda ye senekelaw bolo.

Farafinna koɔrisenjamaw ka tɔn min be wele «ACA», o nemogɔba Ibarahimi Malumiye kunnafonin lase. Farafinna koɔri sɔŋgo jaasilen ka teme dijne fan bɛe ta kan. «ACA» be koɔrimugu kilo 1 minɛ Farafinna koɔrisenjamaw bolo sefawari dɔrɔmɛ 72 ka sɔrɔ dijne fantow fe, olu ka tɔniw b'a minɛ u ka jamanaw bolo sefawari dɔrɔmɛ 46 ani

murumuru 64. O b'a jira ko ni Farafinna tilebinyanfan n'a cemancebole ma dabali wɛre tige, u be bin u ka koɔri la ni sefawari miliyari 165 ye.

N'i ye jatemine ke, i ka feerefɛ mana caya sugu la ka laban k'a da geleya, ni sannikela ma se i ma, i na sugu bila, walima i k'i ka jagofɛn feereta bɛre ber ni tow ta ye. Nka, o jatemine innkalontigiyalen don setigijamanaw fe, i n'a fo Lamerikenjamana; sabula ni yen senekelaw ye sɔrɔba ke, goferenaman b'a bɛe san ka bila, n'a sɔŋgo yelenna waati min na, a be sɔrɔ k'a feere. Ibarahima Malumi y'a jira ko, n'o waleyi in ma dabila setigijamanaw fe, faantanjamanaw na jini k'u sen bɔ koɔrisene na; Erɔpu koɔrisanton be kaariya ka sefawari dɔrɔmɛ 115 ani murumuru 23 don koɔrimugu la, o ka ca ni dijne koɔrisuguba ta yesabula, oyedɔrɔmɛ 40 ani murumuru 64 ye. Lamerikenjamana ka koɔrimugu sanda ye sefawari dɔrɔmɛ 83 ani murumuru 46 ye.

A fo o t'a jira ko koɔrisene dabilatodon Farafinna ? Ibarahima Malumi min labanna ka ke Cadi koɔrikoo nemogɔba fana ye, oy'a jira koni ne wɛre ma jini koɔri sɔŋgo sigili la a sanbaaw bolo ka sɔrɔ a ma sene, nafa tɛna sɔrɔ a la. Nka «DAGIRI» nemogɔba Zili Pelitiye y'a jira k'ale ma da o kuma in na, sabula, a ko san 2005-2006 la, koɔrimugu sɔŋgo bɛna jo sefawari dɔrɔmɛ 60 ani murumruru 99 na. Bi ma Farafinjamana bilo o kuma in foli la, kɔsa in na, u ye nɔgɔnkunben min ke Dakaro sene kunkan, Berezili jamanakuntigi n'o ye Lula ye, o labanna ka sɛben ci ka segin o kuma kelen kan; ko Farafinna ni Beresili k'u fanga ke kelen ye a ko la. O bɛe ye kuma dɔrɔnye, fo Farafinna ka yelema don a ka koɔrikola, n'o ye koɔri juman sɔrɔli ye, musaka min be don a sene ni da fe, o kana caya, walasa koɔrimugu feereda ka caya kosebe ka teme a sanda kan. Farafinna na se k'o ke wa ? Ibarahima Malumi ka fo la, o ka gelén koɔrisenewaw bolo; sabula, angere sɔŋgo ka gelén, tɔni hake min ka kan ka sɔrɔ taari 1 fana kɔno o te sɔrɔ. A numanyeminye, fo senekelaw ka kalan koɔrikola, ka koɔrisene

minɛnwsɔŋgo nogɔya, koɔriw ce cogo ka se kolobɔyɔrow la k'o laben ka ne nɔgɔ kana koɔri sɔrɔ. Se be Farafinna ye k'o fana ke wa ? jamanajemogɔw b'u se la, nka fo izinibaarakelaw fana ka dege baara kɛcogo juman na, walasa nafaba ka sɔrɔ koɔri la.

Zili Pelitiye ka fo la, fo an k'an jigi don koɔrisi kura bɔlen in na ka senekemansiw bila koɔrisenewaw ka bolokan. Ibarahima Malumi fana miiiri te koɔrisi kura in sene ni ye; sabula an ka jamanaw dugukolo koɔri te. N'a ma ne ko yelema be k'a kan, fo n'an y'a san. koɔriseneton minnu fanga man bon, olutena se k'a musaka sɔrɔ ka caman san. O juman ye min ye, an yere w ka jininiklaw ka koɔrisi juman laben an ye, o musaka be nogɔya, a caman be sɔrɔ, ani o be son ka ne an ka dugukolow kan. U ko ni yelema kera koɔrisi kura in kan, n'o ye «OGM» ye, ko bagajifiye be nogɔya; bagaji dun te sebekɔrɔ fiye Farafinna yan. Koɔriforow man bon an fe yan., taari kelen ni naaniw, u ka surun nɔgɔn na fana, ni koɔrisi kura in foro dara an ka si kɔrɔ in foroda fe, a fo o tena ke sababu ye ka koɔri voloso kura bange an bolo ?

Farafinna, sahara woroduguyanfan fe, mɔgɔ miliyon 2 be koɔrisene, miliyon 20 da hirime b'a la. n'a fo rɔ da ka bɔ koɔriseneminenw sɔŋgo na seneke law dɔrɔn kama, olu dun te ka nafa sɔrɔ koɔrisene na; ona ke a damana geleya fana ye sene minentigiw bolo. Koɔrisene kelen sababu ye ka mɔgɔ caman bolo don baara la Farafinna, ni seneke mansiw sɔrɔla, olu dɔw b'u ke cogo di?

Setigijamanaw be nafolomugu don senefen minnu sɔrɔli dafé k'u san u sagonasɔŋgo na, Mali ni Burukina ani Cadi ni Benen y'a jini dijne jagokelaw ka tonba «OMC» fe o ka dabila. Berezili ma dan o ma, a ye Lamerikenjamana wele kiiriso la. O kera sababu ye ka Lamerikenjamana wajibiya san 2005, a ka sefawari miliyari 315 ani miliyon 650 bin ka bɔ a ka sefawaridonta la senefen dafé. O y'a to fana, Berezili ka yamaruya a k'a ka nafasɔrɔsira boloda a ka koɔri la. Farafinna min ma weleli ke kiiriso la, a ni dimi sigilen na to waribatigw k'a don u dungodonda fe.

Andere LINARI
Dokala Yusufu JARA

Sikaso : Fenjenamaw bë ka mankoroko silasa



Malikono, mankorofanba bë bo Sikaso mara la. Mankoro hake min be soro yen san kono, o be se toni 200.000 noggona ma. Nka a be sandamadobø bana do donnen be mankorow la, o kelen be mankoroforotigwi sijenako yekosebe. Fenjenama suguya minnu don, u mana caya mankorosun minna, ub'o bali ka den. Bana in kolosira mankoroforo caman na Sikaso ni Kajolo ani Yanfolila maraw kono. Nangazana Kone min ye jiridenko nedonbaa jana ye Sikaso, o ka fo la, fenjenamanin minnu don u ye mandine na kosebe. Nu y'u bari jiribolow ni jiribuluw la, u be mana jeman do bo u yere la ka biri u yere dala. U b'u to o jukoro ka mankorosogó k'a neen min. Neji min be ja buluw ni bolow kan, o be ke sababu ka ninakili tige jiri la a manameensenna. Fenjenama ninnu bora kodiwarijamana kan ka don Sikaso mara san 1999 waatiw la. Poroze do sigira sen kan san 2000, fenjenama ninnu keleli kama nka wari ma soro k'o poroze in waleya. Minen minnu be bo Kodiwari ka na, ni fenjenama ninnu b'olu la, forotigwi mako neto n'o minen ninnu ye, u be yeslema u ka jiriw la. Niwulikajo na ke joona ka fenjenama ninnukel, uben na ke sababu ye ka do fara jamana jirintanyani kan joona. San 2004 demedonjekulu min

nësinnen don senekelaw ni wulakonjekulu mademenni ma, «PASAOP», o ye musakanin don mankorobana in keleli dafé; o kera jigisigiko ye. Nka o m'a ban, fo musakaba de ka don fenjenama ninnu keleli dafé, u ka ban pewu n'o te mankoroko dabilatò don. Sikaso mara mankarotigwi jekulu nemogo do, n'o ye keletigi Berete ye, o y'a jira ko kemesarada la, dese be ke mankoro soro hake ma ni 50 ye jinan. Bana in be mankorosun fen o fen na, olu si tenu den tuguni. Hali ni bana in kera banfen ye, geleya be mankoro yere feereliko la. San 2004, kunnafoni min soro mankoroko kan, o y'a jirala ko kemesarada la 35 feerela mankoro soroen na, 25 dunna mogow fe ten, a to 40 tolila forow ni suguw la dunbaa ma soro olu la sanko sanbaa. Walasa ka nakolafenw ni jiridenw ke nafamafenw ye, cakeda min nesinnen don denmisew bolodonni ma baara la n'o ye «APES» ye, o ye yoro do dayele Yanfolila marisikalotile 27 san 2005, Yanfolila ni Buguni maraw kama. Keletigi Berete ka fo la, nin ye waleya juman ye, nka n'a tun be se ka ke Sikaso mara be lajelen balofenw ladonyoro ye, o de tun be fisaya kosebe. Cakeda min be wele «TEM», o be Sikaso mara mankorow feere jamana kokan. San 2004, a ye mankoro toni 1.360 feere nansarala. Jinan kura farala geleya kan, Erépu sègesègèlikelaw y'a jira ko ni jiri minnu ma furaké jiriforow, la olu denw kana don u ka jamanaw kono. Ninbe be fenjenama ninnu keleli ke jamanaden be soko ye walasa an ka jiridenw ka se ka ben sariyaw ma ka taa feere dije fan werew fe. U keleli be sen na jiriforo 43 la Sikaso, Buguni, Kajolo, Yanfolila ani Yoro maraw la.

Fuseyini Jabate
Dokala Yusufu Jara

Nansarajekulu bëna dème don Farafinna koorisénaw na

K'a damine san 2006 la, wari hake min be don koorisene dafé n'o b'a to waribola ka koori san a sagolasongo na, kemesarada la, nansarajekulu bëna 65 bo o ka dita la.

Jamana minnu be wele «ACP» o depitew ni nansarajekulu taw ka laje 9nan senfe Bamako, o min daminen awirilikalo tile 18 k'a kunce a tile 21, Peteri Mandelisoni min ye jago nemogo ye nansarajekulu kono, o ye kunnafoni in lase.

Dije koori seneta la, kemesarada la nansarajekulu ta ye 2 doron ye. A ka makonjekoori fanba be bo jamana werew la. N'i ye jatemine ke san 2002 ta la, kemesarada la, 31 bora Farafinna tilebinyanfan n'a cemancébolo la, 16 bora Uzubekistan, 9 bora Siri jamana na, 7 bora Eziputi, ka 7 bo Lamerikenjamana na ani ka 6 bo Ositarali.

Dije waribonba y'a jira ko nansarajekulu ni Lamerikenjamana ani Siniwajamana be wari min don koorisene dafé Farafinna, kemesarada la, o de be k'a bøne a ka musaka soro la ni 10 fo 15 noggona ye.

Izinikow ni jago minisiri Sogeli Kokala Mayiga ka fo la, nin waleya in ye Mali bøne sefawari miliyari 400 na san 5 temenen in.

«CMDT» nemogoba Usmani Amiyon Gindo ka fo la, a san 40 ye jinan ye, koori songo tun ma deli ka bin nin cogo la. Koirimugu kilo 1 be feere sefawari dorome 110 ni 105 furancew la kasoro koori koloma kilo 1 be mine koorisénaw bolo dorome 42.

Koori soroen kuuru kolo mana bo, o be ben koirimugu toni 240.000 ma, Usmani Amiyon Gindo y'a jira k'o feerelen t'a koloma sansongo bo.

Bakari Kulubali
Dokala Yusufu Jara

Muso caman sata bë bo gabugukonosisi la

Dijé kono, gabugukonosisi ye muso caman sata ye, sango an ka cikéduguw la. Dijé tónba min nesinnen bë kénéyako ma, nin'y'ka kunnafo ni ye ka nésin jamana sègenbaatow ma, olu minnu kono, musow bë tobili ke ni dôgo ni saribon ye kosebë. Dögötöröw y'a sègesegë k'ayé, k'ubolo da a kise kan, komuso miliyon 1,6 njogonna saya sababu bë bo gabugusisi la san o san, nka u t'a kalama. O jate bë i ko ne komiko 20 o 20, gabugukonosisi bë muso kelen faga.

Dogo minnu bë jeni, misibow ani saribonw, olu bë gazi sugu dō fili min bë fogofogo njimi, ka ninakili jo; o bë na ni yorónin kelen saya ye, ka soro bana jorjor si ma musow mine.

Musow ka donba seli hukumu kono,

n'o ye marisikalo tile 8 ye, O.M.S ye wele bila dijé jamana bës ma, u k'a dòn, kasaara minnu bë ke musow sata ye dijé kono, gabugukonosisi ka kan ka jate olu la jugumanbaw fe. Fogofogolabanaw bolen k'oyen, sisi ninnu bë se ka ke kirikirimasi new fana sababu ye, bawo a bë komi tile o tile, tobilikemuso bë sigaratipake 2 min.

Fura min bë gabugukonosisiko la, o ye ka tobili ke ni gazi ani kur'an ye. Dijetónba min nesinnen bë kénéyako ma (O.M.S), o ye jekulu sigi sen kan min bëna a hakilijagabò, ka feëre boloda minnu bë ke sababu ye ka gabugukonosisi ka tijeniy nögoya an ka cikéduguw la.

Berema TURE
Mahamadu KONTA

Sida ni sögösögöninje bë mögçfaga la Farafinna

Dijé kénéyatónba «OMS» y'a jira a ka kunnafonisëben 9nan na ko sögösögöninje b'a la ka tunundiye fan caman fe, fo n'a kéra Farafinna ye. Ale de ni Sida b'a la ka mögö bëne u ni na Farafinna kosebë. San 2003 la, sögösögöninje yera mögö miliyon 8 ani 800.000 na dijé kono, sidabana fana yera mögö 670.000 olu la tuguni. Sögösögöninje bë mögö 5.000 faga don o don dijé kono. Jatemine minnu kéra sögösögöninje kan k'a ta san 1980 na ka se san 2003 ma, olu fesefesera san 2005, k'a jira k'a fo kemesarada la, 20 bora sögösögöninjetö la. O kéra kunnafo ni duman ye. Nka Farafinna, a jirala ko san o san, mögö 3 walima 4 bë ka fara sögösögöninjetö kan. Sögösögöninje ye mögö miliyon 1 ani 700.000 min faga dijé kono san 2003 la, Farafinna ta tun y'o la 500.000 njogonna ye.

Sida ni sögösögöninje kelen bë ton kelen ye mögçfaga kama Farafinna. Sida mana min laafu sögösögöninje b'o to lase, sögösögöninje fana mana min laafu sida b'o to lase. Sögösögöninjetö kelen furakesara ye sefawari dörömë 1.310 ye, bës yëre t'a fura soro. A ka kan deme ka don Farafinna na kénéyako la, ka sögösögöninje kélé, sabula bana yelemta don, a bë taa dijé fan bës fe. Jamana 182 jera ka feëre do sigi sen kan sögösögöninje kéléli la; o kéra sababu ye ka mögö miliyon 17 furake k'a damine san 1995 la, ka na a bila san 2003 la. An bë waati min na sisan, sögösöninje fanga bonyalen ka teme a körölen ta kan dijé fan bës fe. A kolo ka gelén a furakelan köröw bolo.

Dokala Yusufu Jara

Konobolibana kun dō ye ji nogolen ye

Dijedon kerenkerennen barosigi senfe ka nésinji saniman ma, «OMS» nemögoba n'o ye dögötörö Li Jongi Wuku ye, o y'a jira ko ji nogolen bë ke mögö 30.000 ka saya sababu ye dijé kono don n'a kunnjogon. O mögö sata fanba ye denmisenninw ye. Dögötörö Li Jongi Wuku ka fo la, o ye waleyä ye wulikajo ka kan ka ke o dabilali la. N'i ye jatemine ke, mögö hake min te ji saniman soro k'a min o ka ca ni mögö miliyari 1 ye dijé kono.

O de koson dijé tónba «ONU» ye santanbaara dō boloda min bë wele

«Jisaniman soro li nénamaya kuntaala jansoröli la». Obena a to mögö caman ka se ka ji saniman soro. Ni mögö jera k'u bolodi di njogon ma ka jilasaniya kabila u bolokoro, dabali min tigera kabini san 2000, n'o ye mögö hake min te ji saniman soro, o tilace ka se k'o soro yanni san 2015 ce, o bë sabati. Ji hake min bë dugukolo sanfe ani a jukoro, o ma se dëse ye Ala ka dafenw na; nka fo a ka lasaniya k'a lase kojuman a minbaaw ma.

Dokala Yusufu Jara

Bangew maboli bë denbaya barika

Mali kono, Bangew maboli feëre jumanw bë kénéyasow la; nka o n'a ta bës muso bëre t'u matarafa.

O de koson kénéya minisiriso n'a baaraknjogonw ye kalo 2 kunnafonidi damine bangew maboli kan. Bamako ta daminen a marisikalo tile 23 san 2005. Kalo 2 in yëre dafalen k'o, kunnafonidi in bë to sen na kénéyaso bës lajelen na.

Sègesegeliwy'a jira ko gerezige soro li joona ani dencamansoro ni seere ka jugu wolomusow ma kónomaya la.

Tuma dòw la u bë ke sababu ye ka ba n'a den fila bës bëne u ni na.

Bangew maboli nafa ka ca : wolomuso fari bë segin a kan ka ne, den bë fa sinji la denbaya bë barika.

Bamako mara kénéyako nemögoso

Gabon tubabubaarakelaw ye jiriforoko ni nakosene fara u bolo dala

Gabon tubabubaarakelaw ye feere min soro walasa k'u ka kalosara dafa, o kera jiriforoko ni nakosene ye. O kera sababu ye ka baara jo walima k'a nagasi forobacakedaw la, ka caman bo jamana ka soro la.

Kalosa o kalosa, tubabubaarakela nakosenenaw n'a jiriforotigw n'u ka feerefew bena u jo forobacakedaw dala, ka juruw don, ka dow feereje la. U be wari min soro o la, o mana fara kalosara kan, u beou ka denbaya musakaw soro.

Folo, Farafinna bee tun be girin Gabon kan, ka da nafolo caya ani sar a caya kan. Bi geleyaba min be dijne kono, o yelenna Gabon fana kan. Sarate laboli ke hali doonin, wa fen bee songo ka gelen.

Gabon cakeda min ka baara ye jamana cogoyaw jatew boli ye, ka jatemineke u kan, oyajira, koduodu

mogo be naani bo, kalo la olu ka musaka dogoya o dogoya, a be teme sefawari ba mugan kan (20.000). O ka ca ni Gabon sara dugumada ye siye fila ni ko. Forobacakedaw la, sara jaasilenba yeba seeginanikeme seegin ye (8.800).

Senye minisiriso ka jatew la, tubabubaarakelaw ka forokene Liberewuli lamini na, o be se taari 15.000 fo 20.000 ma. U be toni 6000 nogen soro san kono, nakofew ni jiridenw na.

Gabon goferenaman ye kankari gelenw da ka dese. Tuma bee, wele be bilab tubabubaarakela dow ma kunnafonidisebenw kono, bawobirow lankolonyara. O ma mako ye. Ni cakedakuntigw te, baarakela si ka sara t'a labo. Dugu mana je, bee b'i jesin nasongonini ma folo, ka soro ka na baarayoro la. Patronya dun soroli

ye katabaanaani ye. Gabon tubabubaarakelaw ma tila folo, bawo do farali sara kan, o kuma te ka fo. Dijne nafolobatigw kelen be yere ka gerente sigi goferenaman kan, k'a jira kokaje ka ke forobacakedaw la, baara ka ke ka ne, sonyali ni yuruguyuruguw ka dabil. N'olu ma sira soro, Gabon n'a kunkow be to nogen na; a tena deme soro. FMI ni Gabon goferenaman be sigikafow la walasa fijeboda be ke jamana tubabubaarakela ye. Nka Gabon soro tilacogo jamanadenw ni nogen ce, o kelen be ka mogow kamanagan. Gabon nafolo fanba be jamanaden 10% bolo. Jamanadentow 90% jelen be murumuruninw na; o fana be k'a to ni tubabubaarakelaw te ka u sebe don baara ma.

Antuwani Lawusoni ani Eceni Tase mahamadu Konta

Kunnafoni surunw

Miliyari 266 ani miliyon 800: O ye deme ye nansarajekulu be ka min labila Mali ye san 2005 - 2006 konona na. Jenogonyasira basigilen min be Mali ni nansarajekulu in ce deme in dira ka da o mineko numan kan.

Taari 24.000: Bamako n'o ye Mali faaba ye, o sigilen b'o kene hake de kan. Jama min b'a kono, o be se mogo miliyon 1 ani 500.000 ma. San 10 in kono, Bamako bonyana ka seninhake ma.

Sefawari miliyon 100: Dankunnayeelenbolan minnu karila Mali - Togo ntolatan kofe, olu labensara be ben o ma. Bamako meriba ye jateminejekulu min sigi sen kan ka fen tijenew jate bo marisikalo tile 27 kofe, kunnafoni in sorola o la. Sefawari miliyari 400: San 10 baara min bolodalen don ji saniman soroli kama Mali kono, o musaka y'o ye. Wari bema ke ka ji sanimansoroyoro ba hake caman sen ani ka ponpew ni kolon korew caman lakuraya.

Sefawari miliyari 4: Mali marayoro 5nan na, Jene ni Muja ni Sayi ce siraba dilanni musaka y'o ye, jekulu min nesinnen don yiriwali ma

jamanaw ni nogen ce, kemesarada la o ye 90 bo musaka in na, Mali goferenaman y'a to 10 bo.

Miliyari 5ani miliyon 500: Fen min ye cakedaw (anterepirizi) bera benni n'u bee boli ye nogen baarakcogo kalama, omusaka don. Goferenaman ye nin waleya in sigi sen kan san 2004 desanburukalola. Kemesarada la musaka in 89 de be don cakedaw bera benni n'u bee boli nogen baarakcogo kalama dafe. Goferenaman be 5 ni murumuru 3 bo o la, anterepirizi be 39 ni murumuru 2 bo, barake nogen feeretigw ni waritigw be 55 ni murumuru 5 bo.

Sefawari miliyari 47 ani miliyon 589 ani 152.000: Wusuru min bema soro san o san dibidanin sigibaaw la, o bema k'o hake ye. Dibidanin ye Bamako suguba do ye.

Kemesarada la 80: UMOA jamanaw bema wajibya k'o feere u ka koori la dasu la n'u ni nansarajekulu ma ben folen na.

Miliyari 1 ani miliyon 100: O ye wari ye min bema don izini do joli dafe ka koori buruburuw ke nafamafen ye. Koori kanpanio o kanji, a be ke sababu

ye ka sefawari miliyon 357 lase jamana ma ani ka mogo 48 bolo don baara la; 10 nogen na ka baara be ke kanpani konoaw dama ye.

Miliyari 192: o ye wari hake ye min dara wusuruminenaw ye Mali ka san 2005 baarakenafoloko hukumu kono. N'i y'a suman san 2004 ta ma, kemesarada la ninanta ka ca n'o ye ni 23 ani murumuru 5 ye.


Mogo 34.000: Sogosogoninje be mogo hake min na Mali kono, o y'o ye. An be don min na bana in seginnen be ni fanga ye k'a sababu ke faantanya ni banajugu werew kolonsonni y'a senkoro, i n'a fo sidabana.

Noninsa ka tijeni be ka nogen

Dijne tonba min nesinnen be hadamadenwa ka kenyakoma (OMS) ani dijne tonba min nesinnen be denmisennnya sabatilima (UNICEF), olu ye kunnafoni di noninsa cogoya kan dijne kono. U y'a jira ko caman bora noninsa ka tijeni na dijne kono bibi in na, k'a sababu ke bolociw ye. San 1999, noninsa ye mogo 873.000 faga; san 2003 ta kera 530.000 ye. Farafinna kono, denmisenninbana in ka tijeniw jiginna kosebe fo ka se 46% ma. Dijne kono a jiginna ka se 30% ma.

Poyi : Kodugu Isa Jalo

Isa Jalo, i ni baara
I ni sègen, i ni timinandiya.
Isa Jalo ni ce, faso kanu b'i la.
I kera kibaru kanubaa numan ye.
Kibaruseben bo o bo, e Isa Jalo ka bataki b'a kono.
E kera kibaru ne ye, ani a sen n'a bolo.
Poyisèbenna nana;
E te sègen, i te nîne
Kodugu Isa Jalo, foli ni tanuni b'i ye
Amadu Sogo ka bo Teredugu
Timisa komini na Tomina



Isa Jalo

Nongonkolo geleyali be soro konobara fali fe

An be Ala deli san 2005 samiyé ka sèbekòro diya. N'i ye sènekela këto ye ka dusu soro baara nôfe a sago la, o b'a soro a konobara falen don. Bees b'a don ko sanjidesé ni tongo kera sababu ye ka kongo don jamana kono ninan. Hali ni jigisigibaaraw be senna goferenaman fe, kongoto bees wasali bëna ke ko gelén ye faamaw fe. An yere ne b'a la balo songo b'a la ka yelen sugu n'a kunjogon. Kodugu n'a lamini suguw la, keninge kilo 1 ye doromé 24 ye, sañò folonbali kilo 1 ye doromé 40 ye, folonnen ye doromé 48 ye fo ka se 50 ma, tigakise kilo 1 ye doromé 68 ye, jababilennin kilo 1 ye 15 ye, sirakuru 1 songo cayalenba ye doromé 15 ye sisan, seneferen na «RM 40», n'o ye so ye, o kilo 1 ye doromé 62 ye. An be tilema cemance la, ni samiyé sera an b'a ke cogo di?

Isa Jalo ka bo Kodugu

Poyi : Musojugu

Musojugu ni bangebaa dögoya,
A ni buran mafinanya,
A ni ce dusukasi.

Dine don o don somakandon,
Ani filelisolataa.
Abada e te ke dujomuso ye.
Balemafara ni taayorotiné mana k'e taamasiyen ye,
Hali i ce ka baaraw te sabati.
Balo mana ban ce ni hère farala,
Nasongo mana dese o kerebete.
Su kuuru sikakorfo.
Ce sago te ke kanje kelen na.
Musojugu b'a ce si dögoya.
Dusukasi be k'a caman sababu ye.
Musojugu man ni.

Isa Jalo ka bo Kodugu,
Kati mara la

Furunjogonw maboli maboli na

Furuso sigili mana geleya, ce ni muso dolakelen, walima u mögo fila be se k'u maboli jini kiiriso la walima fangabonda do la (komini superef, peref). N'a be jini o fangabonda ninnu na, a be wajibiya kiiritigela yamaruyalen k'a mabonogonnaebeen dilanto lakodon. Ni furunjogonw be mabo nogon na, u bolofenw fana be fara ka bo nogon na. Fen minnu bëna n'umaboliye, oluni furusa taw bees ka kan (gosilijuw, kakalaya, ladonbaliya, jekasigi geleya). O mabonogonna in be se a dan na, ni furunjogonw benna a kan ka fara nogon kan tuma min na. Mabonogonna kuntaala jyanenba ye san kelen ye. A mana teme o hake kan, sèben min y'u maboli yamaruya nogon na sariya fe, o be yelema ka k'e furusa kiirisében ye. Furunjogonw maboli nogon na, o kun ye u ka se ka hakili soro ka do bo u jogo kolonw na ani ka fitine nogoya u ni nogon ce sigi konona na.

Amadi Bubu Jalo
Dokala Yusufu Jara

Sariya ka kan ka tijenikelaw kiiri

Mali ni Togo ka ntolatan kofe, jamanadenw wulila ka tijeniw ke Bamako kono. Ne b'a jini malidenw fe, u ka sababli, ntolatan te kële ye, nisondiya de don.

Ni tulon min ma diya mögo la, do na diya i la waati do la. Gosili ma se jamana nafolomafenw tijeni ma.

Tijeni min kelen file, n'o ye sirabadalayeelenbolanw karili ni yoro jenama dòw jenini ani feerelikeyorow ni nbendiyakéyorow cili ye, a ma ke kunkorotabaara ye. Hali ni kupu dalen tun don ko Mali tun y'o ta, a ladiyalifen kun ka dogo tijeni kelen in musaka hake la. Mögo dama min dahirimé tijena, hake t'o la.

O b'a jira ko tijeni te dusumadabaara ye. An yere ka nzana do ko «dusukasi mana mögo min bila ka bolokurunjé kelen ke bala la, sanni i ka tila o jolo boli la, i dusu na da». Ne yere koni fe, minnu ye nin waleyajugu in ke, sariya ka kan k'u nomine k'u kiiri.

Goferenaman fana k'a janto a la kosebe, nin nogonna kana ke, sabula jamanaseginko wale don.

Amadi Aturu Boli ka bo Danbana,
Kofeba Komini na Kita

Senekelaw ta kera ka woro ta Bamakoka taa a feere Buwake: Sanbaa b'o la wa?

Jago be ke tono de kama, n'i te tono soro a la, jagokun be tunun. San o san ni kanpani be kunce, CMDT b'a ka juruw tige senekelaw bees kun sine kelen; nka an te do wëre men ko julu be CMDT la. O na ke mögo wërew ka julu ye de, ko senekelaw jaba jelen don.

Ni do yere bora koori songo na a da kelen ye, o t'a to kolon kelen ye a la. Geleya min be senekelaw kan, an yere k'an jilaja an ka feere jini a dòw la; kerenkerennenya na Ofisi kono. Malosenenaw be kulela ko jisongo doromé 12.000 ka ca. Benkanseben kono, a jirala k'a fo taari 1 jisongo ye malokana kilo 400 ye.

A fo o feerelen man ca ni doromé 12000 ye? Ni mögaw ma baara ke ni tilennenya ye, an be nogoya min jini, o soro man di de!

Bakari Danbelé ka bo
Sikaso Wayerema 2 la.

Tijen i te jamanajowale ye

Mali ni Togo ka ntolatan kuncelen, mögö döw ye tijen i sebekoro ke a don, «26 Mars» yörö döw tijena, tasuma donna dugu yörö döw la, ka dunan döw fana ka warininiyöröw tijen, hali sirabadalayeelenboolanw, a si kelen ma to tijenikelaw ko.

Fen minnu tijenen file nin ye, Mali bëna nafolo bo a yere kun K'u dilan. Togo têna a dilan kuma te jamana wëre ma. A kera kenyerela dan ye. Malidenw, an ka sabali ka damatemewale dabila, tijen i te jamanajowale ye. N'i y'a jate minne san 1960 ani 1991, mara tun be jamanaba in kono. Nka kabini fanga yelemana beejeefanga na, bee bilala i yere ma; mögö mako te nogon na tuguni. San 1992 ni sisan ce, ni tijenino te, i ne te jo jamanajono kan, anw fe yan. mögö minnu be tijen i na, u ka taa jamana wëre yaala k'o laje; tow be K'u faso jo, anw be k'an ta ci sanga ni waati bee la.

**Yaya Mariko ka bo Kalabankoro
kati mara la**

Poyi : Badenya

Fosi man di ka badenya bo. Nogonkanu ni ben ni sabali, O de ye badenya diya. Bimögöye badenya musalaka minne. Fadenya ni juguyakise bilen ye badenw bila u kelen na. Jiri kelennabila te fo numuw ka nedonna k'o sabula u na semenkala tige i la, k'i lasoro diya finfinbolaw ni dogotigelaw bolo. Bolodijogonma ni cesirilibaara fe, o be tin don badenw ni nogon ce, ka badenya siñsin.

**Isa JALO ka bo Kôdugu
Kati mara la**

Poyi : Faantanya këleli

Faantanya këleli man nogo. A te kele da la ten. Mögö kelen baara fana te. Bolodijogonma de y'a këlelan ye. Ka cakedaw caya jamana kono. Walasa jama fanba bolo ka don nafasorobaara la.

Ka sene taabolo sariyaw labato, Ka bagandumuni songo nogoya k'a lasoro diya.

O te ne cesiri ko baara fe.
Ka faantanya këleli.

**Isa JALO ka bo Kôdugu
Kati mara la**

Poyi : Demokarasi

Koo ko mana dabo, u ko demokarasi. Demokarasi kelen be denbakarasi ye. Hine banna mögö ni nogon ce. Mögofaga cayara. Mogo te maloya mögö ma tuguni. Mankannin mana wuli, ko polisiw n'an bo nogon na. Anw desera k'an yereladi. Denbakarasi te ! A y'an bolo yan.

Faraban BALO ka bo Fuladugu-Kotuba Kita mara la

Kumajogonya : Fasokan

Salimata Kulubali : Ce o, ebora minni?
Baatiga Keyita : Ne wa ?

S.K. : Owo. B.K. : Ne danna yan, ka falen yan, wa n be n si ke yan. S.K. : K'i si ke yan, k'i to nin cogo in na? B.K. : I y'o fo ka da mun kan ? S.K. : N y'o fo, barisa bolomisenw b'i la, nka bulu t'i la. O de koson, n ko k'i to nin cogo in na ? B.K. : Ne te to nin cogo in na de, mögö minnu ye ne dan yan, olu ye ne dan ni barika ye, minnu ye n bo ka n turu, olu y'a n turu ni barika ye. ne ye jiri min ye, n sonniji de te ka n labo folo, wa n ma koori ka ne fana.

S.K. : Kori e na Balo ? B.K. : O siga bo i la. Ne be meen nin fingifanga in na, nka, o te n bali ka ke kulukuncemajiri ye.

Sanbalajo ka dan no tow ko, ka wuli ka teme u la.

S.K. Hun, den fingifangato caman barika soro man di. Barisa, ni den meen na finzifanga na, n'a ma ke, senkelenya ye, a be ke bolokelensa ye.

B.K. : Odajijugutu ka bo i da. Ne bëna balo fo baloko numan.

S.K. : Ayiwa, Ala k'o jira an na. N'o te,

e baloli kamanagan be ne na. Ne koni mana e kelen ye jirimasa do ye don minna, ne na maribayaasa don o don. B.K. : Ne ko, e be nin bee la, e be ne togó don folo wa ?

S.K. : Ne y'i togó don ke. E te balikukan ye wa ?

B.K. : O ye n togó koro ye. ne togó kura ye Fasokanye : fasudonani basudon. ne bëna wuli i ko Sunjata wulila Manden cogo min na, ka dijé bee lajelen wasa n faso fe.

S.K. : Ayiwa, an k'o to Ala ma. A ye kantow kalanni doolo falen sankolo la cogo min na, o k'i fana ta k'o cogo kelen na.

B.K. : Amiina.

Salimata KULUBALI ni Baatiga

KEYITA

**ka bo cekurala, Jijen komini na
Kolokani mara la**

Laadilikan

Nin ye laadilikan ye ka nesin togodalamögöw ma. Mototigi cayara nka motosenabaa ma caya. Sanga ni waati, bolifentigiw b'a la ka sennamögöw yaara duguma. U yeredama te kan nogon na. Tuma bee u be ka nogon gafo ka bee bin i dama fan.

O be cogo min na, n'a' be taama na sira fe, a'b'a' kininkere minne ka taa, ka to k'a' janto a' yere la ni bolifentigi mankan b'a' ko. Min mana se a' ma o la, o tigi na nangi. Kuma wëre t'u da la fo «i ne be n nato la o, i kana bo n ne». Haketo dun te wulucinda keneya.

**Seku Umaru Konare ka bo Jedugu
Torodo komini na Jifalen**

Koorisongo ka sara yanni balo ka geleya

Sanji ma laboli ke ninan; balo ma soro. mögöw ka kooriw b'u bolo, no dun b'a la ka geleya ka taa a fe. Kita dugu kono, no kilo 1 ye doreme 30 ye, sankilobore y'o la 3000 ye. Ni jamana nemögöw m'a laje ka deme don semudete la walasa senekelaw k'uka kooriwariw soro a tuma na yanni balo ka geleya, ninan ta in kelen be konoafiliye.

Dawuda Tarawele ka bo Jokuru-Namébugu, Benduguba komini na Kita

Kalankene n° 27nan

Duguyiriwalikalanso kalangafew n'a kalansenw

Duguyiriwalikalanso ni lakoli te kelen ye; a ni kanfilajekalan te kelen ye; a ni balikukalan te kelen ye fana. O de kama, a ka kalangafew ni kalansenw fana b'u dan ma.

Nin y'a san damado ye, marisikalo o marisikalo, jamana mogo faamuyalenw kalanko ani fasokanw na, olube nogon soro jamana marabolo dow kono, gafedilan na fasokan ni tubabukan na, ka nesin duguyiriwalikalansow ma. Soninkew ni kasonkaw be nogon soro Kayi mara la. Sinafow ni Miyankaw beta a Silkas. Bozow, Dogonow ani fulaw be taa Moti. Bobow be nogon soro San. Koroborow ni Tamaseki be nogon soro Gawo Bamanankan gafew dilanna

Segu, Bamako ani Kulukoro.

An be don min na i ko bi, gafe minnu labenna duguyiriwalikalansow kama fasokanw walima tubabukan na olu file :

Kalanso folo

Kalanjegafe (livre de lecture): Ali ni sali DNAFLA san 1994.

Jategafe (livre de calcul) DNAFLA san 1994

Ladamuni (morale) DNAFLA 1994

Kumajefo (Langage) DNAFLA 1994.

Fenw lasali (exercice sensoriels)

DNAFLA 1994

Kalanso filanan

Kalanje (livre de lecture) PIP/ACODEP, 1996.

Matematiki, San 2nan (Mathémati-

ques 2 è A) PIP/ACODEP 1996.

Ladamuni ni fasodennumanya San 2nan ni san 3nan (Morale et éducation civique 2ème et 3ème année) PIP/ACODEP, 1997.

Nataliye (dessin) PIP/ACODEP, 1996.

Tariki San 2-nan ni san 3 nan (Histoire 2 è et 3 è année) PIP, Sd.

Jamanakalan san 2nan ni san. 3nan (Géographie 2 è et 3 è A) PIP, Sd.

Tubabukan kalanje San 2nan (livre de lecture en Français 2 è A) pIP, Sd.

Du musaka, san 2nan ni san 3nan Economie familiale 2 è et 3 è A) PIP, Sd.

Kenyea san 2nan ni 3nan (Santé 2 è et 3 è A) ACODEP 1997.

An da bëna se kalañso taw taw ma kofe.

Mahamadu Konta

Dukene 11 nan

Furu kecogo Gajaga konona na Kayi mara la

Senegali Ba numanbolo kan, k'a damine Gande la Senegali jamana na na tilebin fe, ka n'a bila Kenu na, Kayi ni koron ce, o de be wele Gajaga. A sigibaaw ye marakaw ye. N'i y'u ka furuw jate mine, kemesarada la, 99 y'u maraka dama ni nogon ce furuw ye. In'a fo Mali fan tow fe, den bee togo be da ka kejen ni laadalatogow ye. Gajaga konona na, nin togo ninnu be se ka da musomannin na : Sira, Kunba, Fenda, Daado, Taako...

Musomannin san 6 walima a san 7, dutigi do bëna juru siri a sen na : o ye den in maminenye fure la. Ni a mansaw jenna n'o mamineni in ye, du konobaara d'ow be yen, tuma o tuma mansaw be ci lase u den maminece walima a mamine du ma, mogo do kana u deme sobari ni sokannabow ani tufagosiw la. Ni samiyé sera ce n'a tonogonw be wele buranci w la. Tuma min na ni musomannin mamineyenye san 10 nogonna soro, a be laadi a kana son a n'a maminece ne ka ke naani ye yorosi kelen na. Hali n'u nogonkunbenyoro benna sinsanfuranc ew ma, musomannin wajibiyalen don ka sinsan fara ka boli

k'a dogo a ce kana a ye k'a lasa. Dow yere be sebekoro jogin o ceñedogoli senfe. N'a kera jida la, a be boli k'a suuru ji la k'a kunkolonin bo kenema. Ce ni muso ka nogon lafaamuya, ka ben furu kan, o ma don Gajaga folo. Furuninina mansaw be namakala walima horon do ci musomannin somogow ma k'a jira u la k'a fo «an ye fen ye a' ka wëre kono, min fana b'anw ka sinsankonotura jidi, an b'a fe a' k'a fisaya an ma k'a di an ma; an b'a jini karisa ye fure la». Den mansaw be cilasela lasegin sanni u ka nogon kumajogonya. Ni ben kera furu kan, furuworo ni furunafolo bee be sara nogon fe siñe kelen.

Furufenw da te kelen ye duguw la, hali dugu kelen d'ow fana taw da te kelen ye Gajaga konona na.

Musomannin ka kono be se ka ke k'a si hake to san 13 walima, san 14 na. Silamefurusiri musaka ye d'orome 100 ye, fure be siri misiri la fitiriseli kelen. Misimuso kelen be da furunafolo 60.000 kan. Ce nana ni furusirifini folen minnu ye, olu be yaala ka jira dugumogó bee la; d'ow b'a lagosí, d'ow

b'a fo a jena. Furu be siri don min fitiri fe, o su yere ye kono suye. Denbaw be ba nono kene ni nasiw ni fen kasa dumanw ke kono muso koliji la k'a sebekoro ko n'o ye. U be dankono melenge a la ka taa a da a fa balimake do ka so kono, sabula o de y'a denfa ye. Okofe ubo soro ka taa a dia a ce ma. Waati temena kono muso tun mana ko, ka taa a bila denfa ka so kono, a tonogonmusow tun be taa a labo ka taa adogo a kunbenbaaw la. A tun te soro fo celakaw ka musakanin bo kono muso jinini kama walima u be busan gan tonogonmuso ninnu na, fo u k'a yoro fo. Ce min fana ka kono keté don, o tonogonw b'o dogo tile kelen sanni kono ce, o faw bëna sagaw di; a baw be basiw bo. Konodon, kono ke n'a tonogon cemanw ni musomanw b'u namadunan o sagasogow n'o basiw la.

Kono so la, ce kelen be bila kono ke koro, ka muso kelen bila kono muso koro. Ni ce y'a muso soro denmisénya la, dugu bee be bo kalama mugukan fe kono so la. Kono ke d'ow b'u ka nisondiya jira o la ni sanu walima war caman dili ye u ka kono muso ma. Kono kuuru be ke jenaje la dugu kono.

Kaba Juwara
Dokala Yusufu Jara

Ala ye Kaja sən, a ko a fara

Kakalaya te mogosebebaara ye, a kuntaala jan be sigi goya ka mogow yere siran jənəgonya ne. Bonya te kakala kan dannaya t'a kan. Mog minnu be nəgon tige k'o laban ni furu ye, a meen o meen, do be laban ka segin a ci koro ma, n'o ye kakalaya ye. Okera Gawusu ni Kaja ta ye. Gawusu bora Sinsani, Marakala fan fe, ka na Bamakosigi la a be waati jan bo. Tuma min na a ye manankun soro, a ye jago misennin damine fo kana o jiidi a bolo kosebe. Gawusu, hali n'i y'a soro mog cejumanba te ten, a nison ka di, a daro fana bennet, o mana fara waritigya kan, muso bee b'a nini k'a ke i kelen ta ye.

Geleya min be Bamako kono sisan o dogolen te mogo si kelen na; fen be sirilend on warila. N'otikun, donfini ni dumuni, ka fara mogodiyanyeko tow kan, e ta na ke n ne b'u la ye. Sanko dugu min kono mogo fanba b'a fe ka fen soro kasoro u ma baara ke; wajibi la u na don waritigw dungoda caman fe, hali n'o y'u lebuko ye waati nataw la. Kaja y'o mog suguya do ye, muso tige k'uman, a cenan ka jan, a ka bon, sikololamogo don. A ye o ye a nenin kurumafaalen don. A na k'i kono k'a bo maloya, jaa ne munan son nani don. A yene na diyanye kama, cew be k'o ke sanga ni waati baaritakun ye Kaja nofe.

Tuma min na Gawusu ni Kaja nana don nəgon na, o kera dakabanakoke dan ye Gawusu fe. Fen o fen ye musoladiyafen ye, Gawusu y'a bee lase Kaja ma, sanko a na tilen a kelen ye cogo min na. A kera hali Kaja tun te son u ka sodumuni na tuguni, Gawusu tun y'a jo n'o bee ye. Kabini Gawusu be Kajako dogo a koro ke la, a to laban ni Kaja tun te jini ka yelema u ka du kono n'a yere ye. Koro ke nana Gawusu wele don do la k'a jira a la, a ka Kajako dabila, a be muso nini a ye soyfan fe, sabula k'a dəw ke man di k'u delinanko dabila here la. O ma ke Gawusu hakilila ye, a y'a nini u ka Kaja furu.

Kaja furadama, a tun ma furuko naamu lamine Gawusu bolo, nka a donna a dafé fenko koson. Furu sirila u ni nəgon ce san 1992. Ala ye den 4 don u

gerejje la furu in kono fo Gawusu ye muso 2 were furu ka fara Kaja kan. San do la, siga kera Kaja fe kakalayawale do la sigida la. O kuma pasanna kosebe, a ma ne min k'o Kaja suutera. A n'a woloba jera ka se bosomori do ma, o ye aladel k'a ye sefawari 10.000; o kera sababu ye Kaja ka segin furuso la. O konona na, Gawusu n'a koroke sera k'u ka so laban ka yelema a kono Saranbugu, Sangarebugu komini na Kati mara la. I k'a don Gawusu bəna malo a koroke ye de. Dugu in kono, muso caman be jago misenninw ke k'u mako dəw nənabo n'a warininvye; A dəw be pari bolokelenw ni bolofilaw la. Muso caman ka kakalaya kun ye pariwariko ye. Kaja tun be nənəmuguninfeere la bolonkunw ni sokurajoyorow la. Jaa fen were tun be feere nənəmugu fe. Gawusu be tilen sugu la don o don, a natuma ye fitirimagen ye so. Kamalēnbə bije kene də be o sigida in na, sojola don, o ni Gawusu ka Kaja be kakalaya la. An meenna an ka ko la, ani an tora a la, nin fila be nəgon dafé. Sigidalamogo do y'i damasonya ka Gawusu lasomi a muso ka waleya la. Kaja n'a namaake kura in feredonba tun ye karidon ye.

Karidon, awirilikalo tile 10, san 2005, Kaja bolo minena npalan kono. Nin don in, Gawusu tun solila ka taa sugu la halia madaraka makono. Darakadun bannen, Kaja taara a ka jagofenw yaala, Gawusu seginna ka fo a k'o so kabini sanga damadonin be nege kanje 9 kan, ka don k'a da so kono. A na ke ni Kaja selen te a namaake ma u ka waati koro la, o ye mogo ci ka na Kaja wele fo so kono. Somogow y'a jira ciden na ko Kaja bora. Okelen Gawusu bora ka ciden in surukutaama. Ciden nana don so kura jota do kono ka laban ka bo. Gawusu y'a yere ke temebaa ye k'a ne fili dukonona na, a ne be kamalenba kofolen in sigilen na sesi kan, a na ke n'a be k'ale muso makono. Gawusutemena ka taa sanfe, a seginto ne b'a furumuso folo in donto la a kamalen fe yen. A selenda kuntillenna na, a ne be sesi jalan na mogo si te keneda la. Gawusu donna k'a sigi sesi kan, mangasannin jolen be da kerefé,

a ye nkelenso yelen k'a nesin o ma. Sanga damado Gawusu sigilen kofe, mangasannin da poyira fiñe fe, kamalenba in bora k'a jo kənema k'a munununu ka segin ka don. O ma meen Kaja fana y'a kun bo k'a b'a ko sifile, a ne dara a yere furuce sigile kan u dala, a girinna ka segin fo sojula. Gawusu ma kuma, a seginna ka n'a da so, i ko fen ma ke. Sanni Kaja ka na so, a taara a meleke Maalimu na, n'o ye madarasakaramogo ye, o kan'a ce madeli, sabula k'ale tun bora ka taa a ka nənəmugujuru kani sokurajola in bara. Tuma min na Gawusu ye korofo bo k'a bin Maalimu koro, ka laban k'a jira a la n'a yere muso ye nin waleya in k'a la, a be mun ke, Maalimu k'ale be jen a ta ko pewu. Kaja labanna k'a bin k'a ka bosomori segere, a ka don a jigi koro kokura. Bosomori y'a jira Kaja la ko 10.000 folo ma sara halisa, n'a m'o da sen in aladelisara 30.000 kan, ale tēna kala ta a ye abada. Dugumene son koro ye cinni ye.

Dokala Yusufu Jara


San o san, an be bo ka jiriw turu; nka san si kelen na o jiri turulen te jira telewison na

Jamana ne mögob'a fo ka jiri turu; n'o kera ji ni kungo lakanabaa be wuli ka mankan ci jirituruko la. O jiritru don mana se. tele ni arajo ani dunun ni bala be fo an nofe. Nka ni san yelemana, it'o jiri turulen kelen y'i ne na telewison na. U be turu nka mogo si t'u ladon, o ye dusukasiko dan ye.

San 2004 Utikalo jiritru la, anw fe Sikaso Wayerema 2, mogow degunna kosebe jirisine nofe. U y'an bila ka jiridinge sen, don min foja jiritru la u k'an te jirisine soro fo n'an b'a san; kasoro jiri ninnu tun bəna turu musojiginso lamini na. An ye siñe caman ke jirisine nofe. A laban, ji ni kungo lakanabaa ninnu y'a jira an na ko jiritru ma bo ninan sabula ko sanji were tēna na tuguni. K'a damine o don na ka se samiye banni ma, sanji ye nako 6 ke milimetiri 49. An ka damatemewale dabila jamana kono.

Bakari Danbelé ka bo
Sikaso Wayerema 2 la.

Jenéba Seki : Dönlili sekasidonon



Jenéba Seki

Jenéba Seki bangera san 1970 Bamako. A mansa fila bëe ye dögötöröw ye. A ye dönlilida damins san 1986 komini 5nan na Mali ka sekow ni dönkow san 2 jenajew hukumu kono. Jenéba Seki ka dönlili min bë wele «Neb'awbaro» ani «Nda donkan», a lakodonna kosebe olu fe; Seku Kuyate y'a ka nansarankoninfola ye.

Cemancelafanga kunceto, Amadu Tumani Ture ye Mali jonjon boli min k'a yere kanna k'a don Alifa Umaru Konare kanna, Jenéba Seki ye dönlili kerenkerenen da ka jesin o waleya in ma min welela «Kankelentigya». A ye dönlilidala caman dan ni waatilakow sankorotadonkiliw ye. Jenéba Seki ye dönlili min da san 1999, n'o ye «juru» ye, o be boli mögöw kan, minnu be dijnejoyero makaranka temesinidayorokan. Seko ni döndo tigilamaa bëe n'a ka taabolo don, Jenéba Seki ka fo la, dusukasiko fosi kelen m'ale soro, min y'a bila nin dönlili suguya ninnu dali la. A ka kaseti min bora san 2004 banwaati n'o ye «Tijé» ye, o gintanba kera Pale la Badalabugu awirilikalo tile 2 san 2005; Bazumana Sisoko togolaso dögoyara jama na. Kaseti 95.000 sanna o senfe. Jenéba sek i ka kaseti bölen kuuru ye 6 ye.

Dokala Yusufu Jara

Kunnafon surunw (1)

Farilamasiriw: A be jigin aw kono ka wolomani ke a' farilamasiriw la. Masiri ka ca a' bolo nka n'a' ye döw don, olu be digi a' fari la.

O feëre file : masiri in yoro min be da a' fari kan, a' be werinin jenantan mun o yoro la. O b'a to n'a' y'a don a te digi a' la tuguni.

Konodimi misennin : Konodimi misennin ka jugu muso konoma döw ma. N'u m'u da k'u jan, den k'u tanko 2 njogonna ke, utesunogo. N'o konodimi suguya be muso konoma minnu soro, olu ka kan ka to ka sebeninku jimi wuladaw fe.

Walasa kunsigi ka to a cogo la konomaya waati la : Muso konoma caman kunsigi cogoya be yelema konomaya konona na. Minnu kunsigi jalen don, olu taw be manamana kasoro ka bon. U be meen sanni u ka mugu. Minnu kunsigi yecogo ka ni kosebe, olu be ke i n'a fo tulu be don u la tuma bëe konomaya kono. Ola sa, u be kari - kari, u be tuluma bo; o kan'a' siran, u be laban ka segin u cogo koro la. A ka ni a' ka to k'a' kun ko ni sanpoyiji ye mintek kunsigijeni. Kogodisi latonni: Ni muso min b'a fe k'a kogodisi laton, dije don o don i be gilasinin don misorofegenmannin kono k'o ke k'i disida n'i sinw saalo - saalo. O be ke sababu ye k'i sin kologelya k'a jo.

K'icemance bo njogon na: Ni mögo min b'a fe k'a cemance bo njogon na, i b'i njongirin k'i jenge i kere kan k'i kinibolo turu duguma, k'i numanbolo ke k'i cemance mine, k'i numansen seene i farikolo kuntilenna na. I be soro k'i sen seeneen in kologelya k'a sama ka taa ne ka segin sije caman. I be tila k'i turu i fan do fana kan ka segin a kan. Fasali: I kera gofemananbaarakela ye o, i kera kenyereye ye o, waati dow la i fari be boli i kan. Ni geleya no don, a ma se fura ta la; n'i hakili sigira i fari be segin i kan.

Nka fasali in mana meen senna fo k'a ke dimi y'i kan, i be se dögötöröw ma u k'i laje. Ni bana b'a senkoro o na furake; ni bana yere te, hakili jumantigw mana i waju o na k'i ma lafiya ye.

* Musokonoma ka finidonta : Muso konoma man kan ka finiw don minnu be gene a fari la fo ka se a jolisiraw degunni ma. A ka finidontaw ka kan ka ke fini ferelenw ye. Samara minnu juru be lelenga fo gelenkala la, olu te don, «geni» bëre bennen be se ka don konobara kanani sintalanferelen. Konomaya konona na hali talon janw donni man kan.

* Fari lasaniyalanw : N'i fari b'a cogo la, i be se ka lemuruba kelen bisi ka nagami yawuru la k'o mun i ned a n'i kankorola la sanga 20 njogonna ka soro k'a ko ni jisuma ye.

N'i fari be woosi, i be se ka lemuruba 2 walima manterenin 3 bisi ka ke lemurukumunin kelen ji la k'o mun i ned a n'i kankorola la sanga 30 njogonna kasoro k'a ko ni oroziji ye.

* Ni den be fooco : ka den to biberon kan, n'a be to ka fooco misenninw ke, o te baasiye. I b'i janto den na kosebe akana finge caman foron biberon minto fe. I be biberon jenge kosebe finge ka yelen a ju la k'a don a da la a k'a min doonin-doonin wa i kana camanba dia ma sije kelen na; a cayalenba ka ke mililitiri 220 njogonna ye, diko kelen na. Hali o la, ni fooco ma korige, i be den jira dögötöröw la.

Ni konodimi misennin be to ka den soro biberon minnen ko, i b'a to a ka girinti sanni i k'a da. Walima i b'a jolen to a sen kan k'a konobara bisi doonin-doonin, o fana b'a lafiya.

* Dakosafune : Den min te san 2 dafa, borosi man kan ka ke k'o da ko. Yanni a ka san 6 soro, safune minnu «fuliyori» be «PPM 200 ni PPM 500 furancëw la, olu be se ka ke k'a da ko. Nka i be doonin dama don borosi la, sabula n'a cayara a b'a kunun walima a norolen be to jiw na. Ni denmisennin temena san 6 kan safune PPM 1000 fo PPM 1500 be se ka ke k'a da ko.

Dolomin : San o san, fura min be wele Naliterekoni o pikiriko kelen ka fara dolominna sonni kan hakili la, o be mögo caman ka dolobamin njogoya. Fura in sifilela dolominhaba 627 na; a kera sababu ye ka caman bo u ka dolo hake minta n'a minko hake la.

Dokala Yusufu Jara

Yerere misirikokelé kiiri tigera

Yerere ye marakaduguba ye. A ni Joro kafo ce ye kilomstere 18 ye, Kayi mara la. Dugumogo hake ye 3600 ye.

San 2003 zuwenkalola, misirikokelé wulila dugu in kono wahabiyaw ni dugulenw ce. A kele juguyara fo ka suw bo a la, ka mogo caman jogin. Yerere dugu kono, «Tijaniya» ani «Hamaliya» dungew de ka misiri bë yen kabini lawale. Wahabiyaw nanen, olu fana y'a nini k'u togolamisiri jo. U ma ne soro a ko la minke dugulenw bolo, u sera fanga ma. Fanga y'u yamaruya u fana k'u ka misiri jo. Misiri joli daminena ka soro dugutigiw, n'o ye Jawaraw ye, olu ma jen n'a ye. Jawaraw fana ye seben ke, k'a nini fanga fe, misiri joli ka boloka bawo balawu bo a kofe. O n'a ta bee; fanga ma segin a ko, bawo Mali sariyaw la, diineko nasira la, yamaruya be Maliden bee bolo i k'i ka Alabato ke i sago la. Ama ne minko, a kera oye. Jawaraw ye kelebolo wuli. Tijanikalandenw anisekinekalandenw farala u kan ka wahabiyaw d'ow faga, ka d'ow jogin. Leri fila, mugukan, npamuru, taman ani berekan ma k'tige. Se kera wahabiyaw la. Fanga y'a ka baara ke. Mogo keme minera dugu kono, ka taa u datugu. Tubabumarifa jugu 4 ani mugu ni kise caman minena maafaalaw bolo. Mogo minenenw'n'uka maramafenw bilala kiiritigelaw ka bolo kan. Sanni kiiritige don ce, dugulen minnu tun be kasoo la, olu d'ow ni ma u soso; olu fatura: Heremakan Sise Jawara, Yusufu Sidibe, Makan Mamadu Sisoko, Mantiya Jawara, Seku Jawara ani Banjugu Jawara.

Sariya ye jalaki minnu ke, olu file nin. ye : K'i tugu ka mogo b'one u ni na, k'u jogin; ka fara kojugukelaw kan; ka mogo bali u ka diine baaraw la; ka bin mogo kan u ka so; ka balawu wuli sigida la, ka dankari suw la; ka maramafen juguw mara ka soro yamaruyaseben ti bolo.

Kiiri bolila mogo 96 kan. A jirala ko mogo d'ow be faga; ka d'ow bila u si kasoo la. D'ow bilala san 10 fo san 20 kasoo. San 2,3, ani 5 kasotigilamogow fana b'a la. D'ow yere bilala pepewu. Kiiritige in kera Joro mariskalo tile 10 laban c'ono, san 2005. Yerere misirikokelé kiiri in kera kalan ye Mali bee ma. Silamew yere dama man kan ka soro faga k'a sababu ke u te bolofara kelen na. O ye

dantemewale ye. Nka fanga fana man kan k'a to, ko ka tijé sigida la foka se gogonfaga ma, ka soro a m'a

kunben. Banakunben ka fisä ni banafurake ye. Ala k'an kisi nin lafonna ma an ka jamana kono.

M. Jakite
Mahamadu Konta

Sumayabana mogo caman mine

Dijé kono, san o san sumayabana be mogo miliyon 300 mine fo ka se miliyon 600 ma. A ka mogo fagata ka ca miliyon 1 ye san kono, kerénekérénnena la a fanba ye Farafinna mogo yewa o denmisennin de ka ca kosebe. Denmisennbanaw ka ca Farafinna yero minnu na, banabaato minnu be lase dogotorosow la, kemesarada la, mogo 40 fo 50 nognna ka bana ye sumaya ye. Sidabana b'olen ko yen, sumayabana ye Farafinna saya caman juba ye. Dijé kenyatónba

«OMS» y'a jira ko sabaato ninnu ye denmisennin ye, minnu si hake te san 5 b'ofolo. Hali ni denmisennin ninnu sera ka furake, a d'ow be ke hakililabanabaatow ye. Tuma d'ow la, u be kirkiri ka bin, a d'ow darékumá te sidon ka ne, a d'ow fana ne da man di. Fura minnu lakodonnen don sumayabana keleli la olu joyoroba te ka ye. Yero d'ow la, kemesarada la, fura minnu be wele «kilorokini» ani «silifadokini-pirimetamini» olu joyoroba te ye mogo 70 ka bana na.

Dokala Yusufu Jara

Mogo be ka sebekoro caya dugukolo kan

Dijé tonba n'o ye «ONU» ye, o y'a jira ko san 45 nata kono, mogo miliyari 2 ani miliyon 600 be fara dijékonmogo hake kan.

Jinan, san 2005 mogo kuuru ye miliyari 6 ani miliyon 500 ye, san 2050 la a be se miliyari 9 ani miliyon 100 ma.

O dofarankan in be faantanjamanaw kunkan kosebe; sabula an be don min na olu jama hake ye miliyari 5 ani miliyon 300 ye, san 2050 a be se miliyari 7 ani miliyon 800 ma. O b'a soro setigijamanaw jama hake b'a cogo la, n'o ye miliyari 1 ani miliyon 200 ye.

«ONU» bolofara min jesinnen don nafoloko ni hadamadenya ma, san fila o san fila, o be nin jatemine in ke. Nin kunnafonin bora a ka san 2004 kunnafonisaben kono.

Dokala Yusufu JARA

TULON


Nin ja fila dilanbaga y'a dabo a kama ka fili 10 k'u la. A y'olu nini



1 - Ce numabolo 2 - Filalan min b'a bolo 3 - Pantalon nugu'yards 4 - Suma sigillan sen kan. 5 - Jit kun sante 6 - Ja ndrelen kogo la 7 - Palan duguma 8 - Ce sen ifedfuruku 9 - Kogolaja seleke kinin fe 10 - Sigillan kun sen jukcrs uman fe.

Jaabidw

Keretinen katolikiw ka nemogoba fatura, kura sigira



Benuwa tan ni woɔronan

Zozefu Razingeri kera tubabumoriw ka kuntigiba ye awirilikalo tile 19 san 2005. Ale tun ye «Karadinali» ye n'o ye kuntigi laadibaa ye; alimanajika don a si be san 78 na. Kuntigi 265nan don, a ye Benuwa tan ni woɔronan togo ta k'o da a yere la. A be ke Watikan jamanakuntigi ye ani «Egilizi katoliki kuntigi.

Ala ye keretinen katolikiw ka kuntigiba min ka kalifa mine a la sibiridon awirilikalo tile 2, san 2005, ale sigira o no na.

Tubabumoriw ka alimamiba ka saya ye dijne bée wuli kajo, ka da a joyorō kan dijne kono, ka da a ka mogoninfinya bonya kan, ka da a ka alabato-barika kan. Kabini a yere y'a don a tēna bo bana in na, a jenna n'a ye, arajo ni jabaranin bée ka kuma a ka sikara kecogo kan, k'a ja jira dijne bée k'a ye nimakaran na, i n'a fo Nabila Isa segenna cogo min na gengenjiri kan; Tubabumoriba in togo tun ye Zan Poli filanan (Jean Paul II). A sigira dijne Keretinen katoliki bée kuma Oromo Italijamana kan, san 1978. Aye san 26 ke o baara in na. A ka baara ma dan Keretinen diine ni Keretinen dōron lafasali ma. A ye silamew mataama, ka yahudiyaw mataama; k'a nini diinew ka ben ka u fanga fara nōgon kan.. A n'a ka mogokorobaya bée a bora a ka jamana kono sije keme ni ko, ka hadamadenw segere dijne fan tan ni naani kono. Diine baaraw temenen ko, tojoni anibinkanni wa jesin faantanw ma, a y'o keli. Jogo juguyaw : Kakalayaw, gorjigeniyaw, musowyere dama ni nōgon ce jensya, dijne kono. Sidabana keli cogo numan, tubabumoriba in ka fola, oye yere miné ni furu batoli ye. A ma son fiyewu fugulanafamako ma, n'o ye mananin ye. Kominismu, n'o ye fanga jugu ye min be dan kari hadamaden ka

josariyaw la, a y'o fana keli dijne fan tan ni naani kono. Keliw, nōgonfagaw, damatēmewalew diineko la, a y'a ka nisōngoya jira olu kēbagaw la dijne fan tan ni naani kono. Dijne denmisēnwfafasali, alakola, kalankola, kēneyako la,baarako la, a ye do ke nin bée la. A delila ka na Mali kono yan. O kera san 1990.

Nin bée de y'a to, jumadon awirikalo tile 8, san 2005, a ka janaja kera dijne masake n'a peresidan 80 nōna. Silamejamana masakew n'a peresidan caman tun be kene kan, i

n'a fo Iranjamana, Sirijamana, Yamanijamana ani do werew. Mogo miliyon 2, a kera olu fana nōna. Bamakoyan, Mali keretinenwe lajeba ke, ka Ala deli a ka hine Zan Poli filanan na. Depitebulonba nemoga Ibarahima Bubakari Keyita tun b'okene kanka Mali joyorōfa ani faama caman. Jamanakuntigi Amadu Tumani Ture ye sangafobataki ci Mali keretinen katolikiw ka kuntigiba ma, ka foli ni tanuni ke keretinenmoriba in ye; Ala ka a dayorō sumaya.

Mahamadu Konta

Denyerénin miliyon naani be sa san o san dijne kono

Mogo faamuyalenw denmisenninw ka kēneyako la, olu y'a jira, ko san o san, denyerénin miliyon 4 be sa dijne kono. K'a sababu ke bana misenninw ye. Olu la, miliyon saba be segin u ko u kalo kelen, wa u ni be to banaw na, minnu be se ka kunben, k'u furaké ka soro musaka caman ma bo, waati kunkurunni kono. San o san, dijne kono, den miliyon 130 be bange, olu la, miliyon 4 ka nōnamaya te teme dōgokun 4 kan. O nōgonna fana be suwolo. O kofe, muso hake min be to musokelé la ani kōnmaya kōlōlōw, o be ben 500.000 ma san kono. Nin kibaruya ninnu lasera Angilew ka kunnafondisēben do fe min nesinnen be kēneyako ma, a togo «The lancet». O kunnafondisēben in ka jate la, dijne kono, den bangelenw na, bakelensarada la, 33 be sa, soro mankananisōrōdōgomanninjamanaw kono ka sōrōbatigijamanaw ta ye 4 ye bakelensara la.

N'i y'a ko laje filelan na, i b'a ye k'a fo, leri o leri, denyerénin 450 be sa dijne kono. O sababuya bora labenw sabatilbaliya la, ka nesin denyeréninw ni wolomusow ka kēneya ma; ka soro u sata be bo bana minnu na, olu be se ka kunben joona sanni tijeni ka bo a la. Dōnniya bonyanen be ka se hake min mà bi, ani hadamadenw ka soro, nin nōgonna kasaaraba tun man kan ka denmisenninw ni denbatigw soro, Dōgotrōba Joy Lawn ka fo la, n'o ye denmisenninw lakana demedonjekulu do mogo ye (Save the children). Denyerénin sata ninnu na, 20% ka saya sababu ye u kōgobaliya ye, wōlowōdenya; 26% sababu be bo kōnōnajoliw la; 23% sata be bo ninakilibana na; janjoni be taa ni 7% ye, o dun kubennifura sōrola a mēenna, wa a songo manca. Jamana tan be yen, olu ka denyerénin kasaara ka ca, fo k'a damatēme. Afuganisitan, Bengaladesi, siniwajamana, kongo

demokaratiki, Ecopi, Endujamana, Nizeriya, Pakisitan, Endonesi, ani Tanzani. Yelembaba ma don denyeréninw ka kasaara in nōgoyali la dijne kono fōla Wulikajow be senna, nka oluma nōboka se hakela. Jamana 75 be yen, se be minnu ye ka kasaara in kunben, n'u y'a jate u kunko gelenw fe. O musaka ka kan ka ben miliyari 6,1 ma dolariwari la. O man ca hadamadenw ni kisili la, sango denyeréninw n'u wolobagaw. Baara minnu ka kan ka ke walasa ka denyeréninsaya ni denbatigisaya sababuw nagasi, olu dōw ye :

- janoyi boloci keli musokonómaw fe;
- musokonómaw tangali sumayabana ma;
- witami (B9) dili musokonómaw ma;
- musokonómaw ka jigincogo numan soro (kecogo numan ni keyorō numan)
- sinji dili denw ma, ka bideron bila, k'i janto kosebe denw ladoncogo numan na sango minnu ma kogo, n'u fanga ka dōg.

Mahamadu Konta

**"AMAP" kuntigi
Solomani DARABO**

Mali kanw kunnafondisēben
baatada kuntigi
Rame Samake
Kibar

BP: 224 telepon: 221-21-04
Kibar-Bougoumba Bozolé
Bamako, Mali
Société algérienne de vente
Babana Djidjé
Société algérienne de vente
Babana Djidjé
Véhicules et Matériel
Konti ADAKA (S.A.S.)
Zapemtala 1012
Tunisie
Kibar-Bougoumba Bozolé
Kibar-Bougoumba Bozolé
Kibar-Bougoumba Bozolé